

羅家倫
編
中華民國史料叢編

江

蘇

羅家倫
主編
中華民國史料叢編

江

蘇

中國國民黨
中央委員會
黨史史料編纂委員會
印行

江蘇

江蘇第一期總目

發刊辭

圖畫 ● 江蘇同鄉會攝影

社說 ● 江蘇改革之方針 ○ 理想之新黨 ○ 哀江南

學說 ●

政法 ● 政體進化論

教育 ● 泰西教育家語錄

軍事 ● 軍事學

衛生 ● 說腦上

實業 ● 工業教育談

譯詩 ● 釋盧齋非開化論 ○ 教育叢譯 ○ 嚴鼈蛇傳

時論 ● 黃禍豫測 ○ 中國幣制改革論

小說 ● 破裂不全之小說 ○ 空中旅行記

記言 ● 談叢取則

記事 ● 本省時評 ○ 內國時評 ○ 留學界

福建出品修出台灣 旅臺 ○ 加普宏樂 華大坂國貨會人

雜錄 ● 雜俎 ○ 餘錄

行發日朔回一月每

行發會鄉同蘇江

調查簡啓

本會設立調查部。所以考察本省情形。藉資研究。爲他日地方自治張本。顧同人負笈他邦。去國日久。博稽詳核。難以勝任。所擬章程若干條。附刊別頁。惟希國中志士。合力一心。洽聞殫見。不厭煩瑣。尺素時貽。不勝翹企之至。來函寄上海大馬路泥城橋福源里愛國學社吳稚暉。或逕寄日本東京牛込區菊井町二十四番地中國留學生寓秦毓鑒均可。

發刊詞

大陸報之發刊詞曰：美哉大陸，美哉大陸。新中國報之發刊詞曰：美哉中國，美哉中國。浙江潮之發刊詞曰：美哉浙江，美哉浙江。潮於是愛江蘇者，亦起而題我江蘇雜誌之發刊詞曰：

美哉我江蘇之人民，美哉我江蘇之人民。如我支那，我支那之人民，以薄弱聞於世界。我江蘇之人民，又以薄弱聞於支那。

美哉我江蘇之土地，美哉我江蘇之土地。如我支那，我支那之土地，以肥美聞於世界。世界盛得而魚肉之。我江蘇之土地，又以肥美聞於支那。支那且咸得而魚肉之。

美哉我江蘇人之性質，美哉我江蘇人之性質。如我支那，我支那人之性質，以虛聞於浮聞。以無寔力聞於我江蘇人之於支那，亦以虛聞於浮聞。以無寔力聞。

或曰：美哉我江蘇安樂地，或曰：美哉我江蘇文學。藪嗚呼！是益咒罵我江蘇也。是益陷溺我江蘇也。是猶以我支那之安樂文學誇示於世界也。我愛支那者，請得而大聲呼曰：我支那無所有。所有者惟腐敗。我愛江蘇者，更請得而垂涕道曰：我江蘇更無所有。所有者

惟腐敗且更縱言以明之曰我江蘇者我支那之支那而腐敗者我江蘇之特色以腐敗之人民談腐敗其談腐敗也必確居腐敗之土地以談腐敗其談腐敗也必確具腐敗之性質以談腐敗其談腐敗也必確然則腐敗者我江蘇之特色而談腐敗者又我江蘇雜誌之特任

請得而談腐敗之方。

處於水者不知水處於空氣者不知空氣處於腐敗者不知腐敗時時提撕我江蘇人者有

社說一

去其陳謀其新腐敗既去輸入不腐敗時時灌溉我江蘇人者有

學說一

較其腐敗之程度與不腐敗之程度時々布告我江蘇人者有

記事一

補我江蘇人之不足以助我江蘇人者有

記言一譯篇一時論一

又有爲我江蘇雜誌所必不可少者有

小說一雜誌一告白一

雜誌簡章

一本誌之命名曰江蘇

二本誌爲本會之機關報

三本誌之概目如左

一圖畫

二社說 發揮本誌之本旨凡社說所針對之方面如左

一對於列國之侵略 二對於政府之設施 三對

於本省官吏之經營 四對於蘇滬甯鎮各租界之

治外法權 五對於居鄉之紳士 六對於外出之

遊宦 七對於教育家 八對於通商外國之工商

家 九對於內地之實業家 十對於希望之青年

壯士 十一對於軍人 十二對於勞動社會 十

三對於宗教 十四對於一般之風俗

三學說 空論靡有所底實之以留學所得之學說

政法 教育 軍事 實業 科學 衛生 哲理
地理 史傳

四譯篇 選譯東西名著門類畧同學說

五時論

六小說

七記言

甲談叢

乙文苑

八記事

甲本省時評

乙內國時評

丙外國時評

丁留學界

九調查錄

十雜錄

甲雜俎

乙報告

丙新刊紹介

丁問答

戊餘錄

四雜誌部之職員爲義務職員分二種

甲事務員

總編輯一(公舉) 校對二(公舉) 發行兼書記

二(公舉) 會計一(公舉) 駐滬經理一(由事

務員囑托)

乙編撰員

社說員四 學說員兼譯篇員無定數每門止少三

人 記事員二 記言員二 時論員二 小說員

二 雜錄員兼告白員無定數

五凡編撰員之草稿總編輯有斟酌潤色之權雜誌之底

稿由編撰員分任每月初一交付總編輯不得逾期不交

甲社說當有二篇以上

乙學說(九門)每期必載五門以上

丙記事記言按期登載

丁譯篇時論小說雜錄等按期擇尤登載

五

六本誌之出版由事務員分任月出一冊每冊約洋裝百

頁左右以舊曆每月一日發行

七本誌全年售大洋二元五角半年大洋一元三角零售

大洋二角五分

八欲購本報者請向本社及上海總經理所購取代派處

代銷十分以上者提一成爲酬勞三十分以上者提二

成爲酬勞

教育部公約

一 本部以講求教育事務匡助本省教育之發達爲目的

二 本部即研究組成之事業如左

一 振興全省教育養成國民之性質

二 於上海南京蘇州揚州等各省區設速成師範講習

會或師範學校各一所均附設小學校

三 於上海南京蘇州揚州等各省區設普通豫備學校

各專習日文及普通中學科三年卒業務使一至日本

即可入其高等科專門學校

四 於全省府州縣設民立中學校及學校各一所


五 於上海或日本東京設立教育編輯所編輯中學小

學堂教科用書及關於教育之理論學說法制各書

三 本部員每月開研究會一次研究教育學理及舉實其

研究所得即登雜誌

江蘇同鄉會攝影



（東京並木活版所製）



社說

江蘇改革之方針

鐵生

有三十萬方里之地二千五百萬偉秀之人民僻處東海之濱不入於中原四戰之旋隅天下有事常以一隅制時變而爲中原士大夫避地之桃源天下無事常出其物產之富技藝之精政事文章之卓絕以爲中國文明之主動力邑有宋元時代之故家野有漢唐時代之遺俗日出而作日入而息曠古爲天之驕子一旦鴻鈞忽轉逢西力東漸之潮流浩浩重洋昔爲背後之天塹者今作當門之遼路莽莽海濱昔爲窮荒之棄地者今作交涉之要區歐亞美斐之物產紅白櫻黑之種族與夫崇樓傑閣瓌貨奇技飛車鐵艦教堂機廠交錯縱橫於其城邑其原野其江湖雪茄雅片之烟普於婦豎羅馬大和之文及於駟僮若夫政府之所設施省吏之所經營鄉先

達鄉先生之所組織自海陸軍賦稅訟讞郵政學務實業以至於哲理美術文詞諸科學無不日新月異而歲不同每遇八九十老翁爲語其幼時之所見聞如隔世如異域若是者豈非吾江蘇今昔之情狀哉豈非曠古之一大改革哉雖然所以爲改革者將欲振其弱勢闢內治之基礎抗列強之侵凌也令按其實無不種種受損乃其所爲設施經營組織者考厥成效常歸於不可知之數又或相與抵牾扞格弊害雜出授人以譏彈之口實反使當其事者迷惑而不知所爲甚者瀆國民之質粹爲外化之先容此何爲者也吾以爲改革之道當先審其方針天下甚大庶事至繁事而謀之枝枝節節而圖之勢有所不能周又紛擾無所宗宜其不能達也方針誠審趨其要屠其贅委蛇其所不急若是者事易行而功可成夫國之有改革因乎時之變也故欲行改革者莫急乎明時勢之所變今我中國之所以異乎昔者其至要之大端則昔爲大一統垂裳無爲之大帝國今則已成列國競爭之一分子矣演學之公例曰物競天擇適者生存今國勢已趨於列邦而吾政治吾教育吾風俗尙仍大一統之舊其爲不適甚矣此所以屢改革而不救其敗多所興作而適速其亡也

夫列國競爭之國勢。宜常有對外待敵之慮。故常須能合大羣。能不屈撓。能輕生死。能習移。徒能發智勇。能忍缺乏。勞苦能合全國爲一致。若是者。蓋所謂武德也。皆大一統之世所不必庸不盡宜者也。大一統之世。其主義在偃武修文。故貴自營貴遜。讓貴閑雅。貴安生樂業。尙仁而右文。以是而安天下之常。則可以是以而應天下之變。則不可故我中國。苟欲救危亡策。中興吾敢以一言爲天下倡。曰勤修武德更簡而。言之曰尙武。處乎列國之世。修列國之道。以與世競爭。適莫適於此矣。此吾之所以謂改革之方針也。夫尙武云者。乃改革全中國之方針。吾曷以獨爲江蘇言。曰吾生於江蘇。長於江蘇。江蘇吾祖宗地。談其所最親切者。宜自江蘇始。况江蘇之在我中國。自上古強吳握霸權。以一隅雄天下。中世以降。英豪屈起。數爲帝都。中原士大夫。每逢世喪亂。輒南渡。星聚於此。殆二千年。抵今爲中國文獻之都。匯矣。是故江蘇者。盡得吾中國之文明者也。又盡得吾中國不適於天演之弊害者也。更質而言之。即江蘇者。吾中國文明之製造場也。又吾中國不適於天演之弊害之製造場也。江蘇一日不改革。即吾中國不適於天演之弊害。一日製造而未已。吾欲改革中國。吾又

不。得。不。自。江。蘇。始。雖。然。此。一。界。說。也。凡。擅。左。右。全。國。之。聲。譽。者。必。具。左。右。全。國。之。實。力。人。之。譽。我。中。國。者。莫。不。曰。物。產。也。地。理。也。人。種。也。歷。史。也。得。一。焉。足。以。雄。於。世。界。今。試。與。吾。中。國。之。善。遊。者。周。履。乎。全。國。而。實。驗。焉。又。試。與。吾。中。國。之。善。稽。古。者。周。考。乎。往。迹。而。詳。微。焉。問。有。如。江。蘇。之。宏。壯。偉。麗。高。尙。優。美。者。乎。彼。善。遊。者。善。稽。古。者。宜。自。知。之。且。天。下。之。人。宜。共。許。之。無。俟。吾。之。喋。喋。也。以。中。國。之。力。運。掉。全。世。界。而。有。餘。以。江。蘇。之。力。運。掉。全。中。國。而。有。餘。江。蘇。者。全。中。國。之。樞。軸。實。全。世。界。之。樞。軸。也。江。蘇。之。固。有。力。不。發。故。我。全。中。國。之。力。無。所。始。而。發。江。蘇。之。志。事。不。成。故。我。全。中。國。凌。夷。衰。微。聞。汶。芒。昧。長。此。悠。悠。之。天。地。而。不。能。光。輝。燦。爛。揚。我。特。色。於。全。地。球。萬。邦。族。之。上。也。江。蘇。者。最。有。希。望。之。江。蘇。也。吾。欲。改。革。中。國。不。得。不。改。革。江。蘇。自。租。界。之。約。定。而。海。外。大。殖。民。國。之。工。商。業。以。江。蘇。爲。集。中。之。點。自。傳。教。之。約。定。而。耶。蘇。新。舊。教。以。江。蘇。爲。集。中。之。點。自。甲。申。甲。午。之。戰。起。而。江。蘇。之。海。口。爲。各。國。之。公。保。護。地。自。庚。子。之。亂。作。而。江。蘇。之。要。隘。爲。各。國。之。公。駐。兵。地。江。蘇。者。我。全。中。國。最。受。外。力。之。包。圍。攻。擊。者。也。而。其。民。之。馴。順。其。地。之。殷。麗。其。外。海。交。通。之。利。便。又。適。足。以。目。挑。心。招。使。外。

人入之而能安便之而不能去江蘇者固先受競爭之弊者也。固先爲外人之根據地以困我全中國之同胞者也是故爲江蘇計吾不得不改革江蘇爲中國計吾亦不得不改革江蘇雖然江蘇者有三十萬方里之地二千五百萬之人民者也武備之學其額幾何水陸之軍其伍幾何吾現唱尙武主義吾又何術以普及此全體之大衆今不能行義務徵兵之制使全國民大昌勇武之精神徒藉二三論者而欲策不變之大業其孰從而酬之且又非吾民之所宜行也曰是不然吾所謂尙武乃尙其所謂武德又在變社會之風氣習慣非必爲形式之操練也而不見夫今之所謂武備學者乎。雄冠劍佩日習武事一旦出堂則與常人無以少異也。又不見夫海陸軍人乎。日日東伍受嚴格之訓練一旦遇敵則與常人無以少異也。故夫武事可析之爲二。武事之技術。凡軍隊上諸形式之事是也。武事之性質。則社會上之風氣習慣是也。技術者學焉而速成者也。鸚鵡能言而不離飛鳥。猩猩能言而不離禽獸。是無益於競爭者也。何況今世競爭之途甚繁不徒在區區兵事也。風氣習慣者養之於自然而不可強爲者也。然一旦得之則可以履大危冒大險耐大勞犯大難蒙九

死而無所悔。成不測之大功。而無所奇。法人得之。而霸德人得之。而強英人得之。而帝是乃優勝國之精髓也。故吾之所欲爲。江蘇唱改革者。亦惟其風氣習慣而已矣。夫近世文明諸國之所以培成其尙武風習者。大抵皆由學理組成者也。吾欲取其組織而效法之。吾請先言太古原人由蠻俗而自成一種。宜於武事之風習。夫太古之原人。嗜慾已開而未得。所以相生養之道。競爭已啓而未得。所以相治之法律。蓋其所處之境。乃最缺乏最危險之境也。然其風氣習慣。有適合其境遇者。數端曰。堪飢寒曰耐勞苦曰遷徙不常曰能逐大羣曰行事急躁曰尙意氣而不計利害。又。有其必不染之弊。習數端無暇逸可耽也。無獨居可安也。無時機可俟也。夫然故。雖遇外界最劇烈之壓迫。能有以戰勝而自存。若夫文化既進之民族。日求生計之豐足。生活之安樂。而飢寒勞苦。遂不能耐。有產業之可戀。妻孥之可娛。而蜩縮蠖居。無復遠志。自奉苟足。則獨居而棄羣。計事過周。則舒緩而不及事。利害過明。而怯懦而不任功。若是者。其氣散其神。偷其力。弱其志。衰其遇事也。常後人而發其逢難也。常先人而避生人之活力。與夫國家之生機。皆墮壞於冥冥之中。遂成可靜不可動。可

常不可變之勢。故雖智識學術遠過於野蠻而常爲野蠻之所敗。亡晉之亡於匈奴。宋之亡於金元羅馬之亡於峩特。其成例也是。故處夫文明之世者必當存原人之性質。所謂質素是也。近世文明諸國之所以培成其尙武風習者。日必有體操耐勞苦也。公必有定量衣必求輕簡。堪飢寒也有暇日必爲旅行入學校不遠徒步習遷徙也。集之社會以聚羣衆習之果斷以敏事機練之實務以救孤虛尙氣好勇以輕利害戒獨居戒安逸若是者皆取則於原人而保其文明之優勝者也。故一旦敵人乘之其民皆可投袂而死鬪疾趨而集合可靜也可動也可常也可變也。蓋原人以失其腦智而亡化人以失其體才而亡惟文明之人兩取原人化人之長而兩去其弊是乃所以立於不敗之地者也。今之策吾中國之改革者莫不曰將進以新世界之文明而棄其原人之蠻俗也。吾則以爲吾中國之腦智或者未脫原人之蠻俗至其體才則又爲文明之過度也。故吾之所願爲江蘇改革風習者欲大復原人之美質而去既開化者之流弊以是養成武事之性質此吾之所謂江蘇改革之方針也。天下無不可敗亡之兵而有不可敗亡之民。普之蹶於拿破崙而再強法之蹶於威